

## Sweet Home Adelbodä

- 1 Kennsch das Dorf im Enschtlig -Tal  
Mit däm schönä Wasserfall  
Der Strubel glänzt im ewige Schnee  
Chum cho gugge, das muesch gseh

Ref. **Sweet home Adelbodä  
Sunneschyn u Pulverschnee  
Sisch gäbig hie im Adelbodä  
Hesch'es gseh, de chunsch no meh**

- 2 D'Ussicht het mä hiä erfunde  
Tschentenalp trifft mitts ids Härz  
Chum u gniess die schönä Stunde  
di ganzi Wält lockt himmelwärts

- 3 Silläräbuehl u Hahnemoos  
Schi-Vergnüege - grenzelos  
Di beschte Pischte wyt u briit  
Glitzerwelt wo nie vergiiht

Ref. **Sweet home Adelbodä ...**

- 4 Luft u Wasser - kristallklar  
d'Engschtligenalp isch wunderbar  
Gspürsch diä Chraft wo da usstrahlt  
Wellness pur für jung u alt

- 5 Dr Lohner sträbt äm Himmel zue  
z'Aberot verchündet Nacht  
Überall herrscht zfridni Rueh  
mit tuusigfacher Stärnä-Pracht

Ref. **Sweet home Adelbodä ...**

- 6 U muesch de mal das Tal verlaah  
chasch sicher si, dini Seel blibt da  
Du gfröisch di scho uf'ds nächschte mal  
wet zrugge chunsch, i dis Enschtlig -Tal

Ref. **Sweet home Adelbodä ...**

